

खाटू का राजा म्हारा,
श्याम सांवरिया ।

दोहा खाटू माही बैठयो है,
श्याम धनी सरकार,
प्रेमी टेर लगावे है,
करा थारी मनुहार ।

खाटू का राजा म्हारा,
श्याम सांवरिया,
थाने बुलावे थारा टाबरिया,
करके जागनिया,
ओ म्हारा श्याम साँवरिया,
खाटू का राजा म्हारां,
श्याम साँवरिया ॥

तर्ज खम्मा खम्मा हो रामा ।

कुरुक्षेत्र के युद्ध में बाबो,
हाहाकार मचायो है,
दान शीश को देकर बाबो,
श्याम धनी कहलायो है,
खाटू में धाम बनावणीया,
ओ म्हारा श्याम सांवरिया,
खाटू का राजा म्हारां,

श्याम साँवरिया ॥

शीश की थारी पूजा होवे,
फुला रो श्रृंगार जी,
प्रेमी थारा दर्शन चावे,
करूणा रा भंडार जी,
प्रेमिया ने दर्श दिखावनिया,
ओ म्हारा श्याम साँवरिया,
खाटू का राजा म्हारां,
श्याम साँवरिया ॥

हारे को सहारो बाबा,
कलयुग मे केहलायो है,
जो कोई थाने टेर लगावे,
दौडचो दौडचो आयो है,
भक्ता री लाज बचावनिया,
ओ म्हारा श्याम साँवरिया,
खाटू का राजा म्हारां,
श्याम साँवरिया ॥

आलू सिंहजी प्रेम भाव सु,
करे थारो गुणगान जी,
श्याम बहादुर मोरछड़ी सु,
बंद द्वार खुलवायो जी,
प्रेमिया रो मान बढ़ावनिया,
ओ म्हारा श्याम साँवरिया,
खाटू का राजा म्हारां,
श्याम साँवरिया ॥

श्याम शुभम थारी कृपा पाकर,
हो गया मालामाल जी,
पैलेश थारे चरणा रो चाकर,
हो गयो निहाल जी,
हारोड्या ने जीत दिलावनिया,
ओ म्हारा श्याम साँवरिया,
खाटू का राजा म्हारां,
श्याम साँवरिया ॥

खाटू का राजा म्हारा,
श्याम साँवरिया,
थाने बुलावे थारा टाबरिया,
करके जागनिया,
ओ म्हारा श्याम साँवरिया,
खाटू का राजा म्हारां,
श्याम साँवरिया ॥

रचना पैलेश जोशी ।
स्वर श्याम शुभम नागपुर ।
प्रेषक खुशी कांकरिया ।
धामनगांव रेलवे ।
9022107077

Source: <https://www.bharattemples.com/khatu-ka-raja-mhara-shyam-sawariya/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZjyhhKzSUD-Lt9Tw>